

ПУДРАТ ШАРТНОМА № 2 / 2022

2022 йил «13» июль

Қарши шаҳри

“Ўзбекистон Республикаси ташқи иқтисодий фаолият миллий банки” АЖ Қашқадарё вилояти филиали номидан (бундан кейин “Буюртмачи” деб аталади) ишончнома асосида иш олиб борувчи филиал бошқарувчиси Д.Н.Саидов бир томондан ва иккинчи томондан “**KRONO STRONG**” МЧЖ (бундан кейин “Пудратчи” деб аталади) Низом асосида иш олиб борувчи Д.Б.Каримов томонидан, 108832-сонли танлов лоти бўйича 2022 йил 30 июндаги харид комиссиясининг баённомасига асосланиб, ушбу пудрат шартномани (кейинги ўринларда “Шартнома” деб аталади) қуйидагича тузилди:

1. Шартнома предмети.

1.1. “Пудратчи” “Буюртмачи”нинг топшириғига биноан Ғузор тумани, “Наврўз” МФЙ, “Ўзбекистон” кўчаси 80-уйда жойлашган “Ўзмиллийбанк” АЖ Ғузор филиали худудидан “Банк хизматлари маркази” қуриш ишларини ушбу Шартнома шартларига асосан лойиҳа-смета ҳужжатларига мувофиқ бажариш, “Буюртмачи” эса бажарилган ишларни қабул қилиш ва тўлаш мажбуриятларини олади.

2. Шартнома қиймати.

2.1. Шартноманинг 1-иловасида ва ишлаб чиқилган ҳужжатларда кўрсатилган ишларнинг қиймати ва Шартноманинг умумий суммаси ҚҚС билан 1 067 498 348 (бир миллиард олти миш етти миллион тўрт юз тўқсон саккиз минг уч юз қирқ саккиз) сўмни ташкил этади.

3. Тўлов шартлари.

3.1. Шартнома кучга кирган кундан бошлаб 5 банк иш куни ичида “Буюртмачи” “Пудратчи”га шартнома суммасининг 30% миқдорида 320 249 504 (уч юз йигирма миллион икки юз қирқ тўққиз минг беш юз тўрт) сўм авансни ўтказади.

3.2. Бажарилган ишлар учун ҳақ тўлаш, Пудратчи томонидан тақдим этилган “Бажарилган ишларнинг қиймати (харажатлар) тўғрисидаги ҳисобварақ-фактура ва бажарилган ишлар далолатномаси” асосида, аванс тўловини мутаносиб чегириб қолиниши билан амалга оширилади.

3.3. Жорий молиялаштириш объектнинг умумий шартнома қийматидан 95% гача амалга оширилади.

3.4. Шартнома қийматининг қолган 5% сумаси шартноманинг 4.3-бандида кўрсатилган кафолат муддати тугагандан сўнг тўлаб берилади.

4. Ишларни яқунлаш ва кафолат муддати

4.1. “Пудратчи” шартноманинг 1.1-бандида кўрсатилган ишларни, 3.1-бандида кўрсатилган аванс тўлови ўтказилган кундан бошлаб 90 (тўқсон) кунда бажариб тугатиши шарт.

4.2. Пудратчининг ҳисобварағига аванс тўлови келиб тушган кундан бошлаб 3 календар куни ичида “Пудратчи” томонидан ишлар бошланиши лозим.

4.3. Объектда бажарилган ишлар учун кафолат муддати, бажарилган ишларни қабул қилиш далолатномаси имзоланган кундан бошлаб 12 календар ойини ташкил этади, бунда “Пудратчи” “Буюртмачи” томонидан аниқланган камчиликларни ўз ҳисобидан ва тезда бартараф этиши шарт, акс холда кафолат суммаси тўлаб берилмайди.

5. Шартнома муддати.

5.1. Ушбу шартнома иккала томон имзолаган кундан бошлаб кучга киради ва томонлар барча мажбуриятларни тўлиқ бажаргунга қадар амал қилади.

6. Томонларнинг мажбуриятлари.

6.1. “Пудратчи” қуйидаги мажбуриятларни ўз зиммасига олади:

6.1.1. Шартноманинг 1.1-бандида кўрсатилган ишларни ушбу шартномада белгиланган миқдорда ва муддатларда бажариш;

6.1.2. Объектга олиб келинадиган қимматбаҳо қурилиш материалларини, шу жумладан импорт қилиб келтириладиган маҳсулотлар ва жиҳозларнинг нархи ҳамда сифатини “Буюртмачи” билан келишиб олиниши лозим;

6.1.3. Агар “Буюртмачи” “Пудратчи” томонидан бажарилган ишларнинг камчиликларини аниқласа, “Пудратчи” аниқланган камчиликларни бепул ва ўз ҳисобидан “Буртмачи”нинг оғзаки ёки ёзма мурожаати келиб тушган кундан бошлаб 3 кун муддат ичида бартараф этиш ва харажатларни қоплаш мажбуриятини олади;

6.1.4. “Пудратчи” қуйидаги ҳолларда “Буюртмачи”ни дарҳол ёзма роавишда огоҳлантириб, ишларни тўхтатиб туриши лозим:

- Буюртмачининг, ишларни бажариш услубига оид кўрсатмаларига биноан ишлар бажарилган тақдирда салбий оқибатлар юзага келиши мумкин бўлганда;

- “Пудратчи”га боғлиқ бўлмаган, бажарилган иш натижаларининг яроқлилиги ва сифатига таҳдид соладиган ёки уни ўз вақтида бажаришга имкон бермайдиган бошқа ҳолатлар вужудга келганда.

6.1.5. Ишларни бажариш вақтида қурилиш майдончасида зарур ҳафсизлик чораларининг бажарилишини таъминлаш.

6.1.6. ШНК 1.03.07-2010 4.19-бандига биноан архитектура назорати ва техник назорати талабларига ўз вақтида ва сифатли риоя этилиши, шунингдек архитектура назорати журналининг тутилиши ва тўғри сақланиши учун масъул бўлган вакилни тайинлаш.

6.2. “Буюртмачи”нинг мажбуриятлари:

6.2.1. Шартномада назарда тутилган тартибда ва миқдорда “Пудратчи” билан ҳисоб-китоб қилиш.

6.2.2. “Буюртмачи” томонидан “Пудратчи”нинг хизматларидан воз кечилган тақдирда, ўша давргача бажарилган ишнинг қийматини тўлиқ тўлаб бериш.

6.3. Ушбу шартномада кўзда тутилмаган бошқа шартлар, Ўзбекистон Республикасининг амалдаги қонунчилиги талаблари асосида тартибга солинади.

7. Шартноманинг асосий шартлари.

7.1. “Пудратчи” таклиф этилаётган маҳсулотлар ва хизматларнинг тўпламини тўлиқлиги учун жавобгардир ва техник даражаси етарли бўлмаган тақдирда уни ўз ҳисобидан тўлдиради.

7.2. “Пудратчи” ишларни фойдаланишга топшириш вақтида сотиш ва ёки ишлаб чиқаришдан воз кечилмаган маҳсулотларни ўрнатиши лозим. Агарда ишларни фойдаланишга топшириш вақтида, маҳсулотларнинг бирон бир компоненти сотувдан ва ёки ишлаб чиқаришдан олиб қўйилган деб эълон қилинган бўлса, “Пудратчи” маҳсулотларни дастлабкидан ёмон бўлмаган, хусусиятлари бўйича компонентларига мувофиқ келадиган, бевосита у билан боғлиқ бўлган мазкур компонент ёки барча бошқа компонентларни ўз ҳисобидан алмаштиришга мажбур.

7.3. “Пудратчи” ушбу шартнома бўйича етказиб бериладиган маҳсулотлар сифати, ушбу турдаги маҳсулотларни ишлаб чиқарувчилар орасида мавжуд бўлган замонавий техник даражага мувофиқлигини кафолатлайди.

7.4. “Пудратчи”, тақдим этилаётган маҳсулотлар янги ва ишлатилмаганлигини кафолатлайди.

7.5. Ўрнатилаётган маҳсулотлар сертификатланган ва “Пудратчи” томонидан ўрнатиш бўйича хизматлари тақлиф этилаётган мутахассислар шу хизматларни кўрсатиш бўйича гувоҳнома ва ёки лицензияга эга бўлишлари шарт. Буюртмачи ходимлари “Пудратчи” томонидан бажариладиган хизматларнинг барча босқичларида иштирок этишлари ва назорат қилишлари лозим.

7.6. “Пудратчи” ҳужжатларнинг тўлиқ тўпламини тақдим этади.

Етказиб берилаётган маҳсулотларнинг ҳар бир жиҳозига асл техник ҳужжатлар илова қилиниши шарт.

7.7. Ускуна ва жиҳозларга кафолат беришдан ташқари, “Пудратчи” кафолат муддати давомида Буюртмачи ходимларига зарур маълумот ва маслаҳат ёрдами кўрсатишлари лозим.

7.8. Тақлиф этилаётган ускуна ва жиҳозларнинг **кафолат муддати камида 24 календар ойни** ташкил этиши шарт.

7.9. Ускуна ва жиҳозларни ишга тушириш вақти - маҳсулотни етказиб бериш, ўрнатиш, созлаш ва ҳужжатлаштиришга қўйиладиган барча талаблар бажарилган, қабул синовлари муваффақиятли яқунланган ва тўлиқ фойдаланиш бошланган, бажарилган ишнинг икки томонлама топшириш ва қабул қилиш далолатномаси ва ишга тушириш далолатномаси имзоланган сана ҳисобланади.

7.10. Ишларни бажариш вақтида Буюртмачининг мулкига зарар етказилган бўлса, етказилган зарарни қоплаш ва бартараф этиш “Пудратчи”нинг ўз ҳисобидан амалга оширади.

7.11. Шартнома бўйича ишларни, қурилиш, монтаж ва ишга тушириш ишларини ишлаб чиқариш бўйича Ўзбекистон Республикаси нормалари ва қоидаларига қатъий риоя қилинганг равишда бажарилиши лозим.

8. Томонларнинг жавобгарлиги

8.1. Ушбу шартнома бўйича бажарилган ишлар (хизматлар) учун тўловлар кечиктирилган тақдирда, “Буюртмачи” кечиктирилган ҳар бир кун учун кечиктирилган тўлов миқдорининг 0,1% миқдорида жарима тўлайди, аммо кечиктирилган тўлов миқдорининг 50% дан ошмаслиги керак.

8.2. Ушбу шартномага мувофиқ ишларни (хизматларни) бажариш кечиктирилганлиги учун “Пудратчи” кечиктирилган ҳар бир кун учун мажбуриятнинг бажарилмаган қисми қийматининг 0,1% миқдорида жарима тўлайди, аммо мажбуриятнинг бажарилмаган қийматининг 50% дан ошмаслиги керак.

8.3. Томонларнинг шартнома шартларида назарда тутилмаган жавобгарлиги Ўзбекистон Республикасининг амалдаги қонунчилигига мувофиқ белгиланади.

9. Низоларни ҳал қилиш тартиби.

9.1. Ушбу шартнома томонларининг вужудга келиши мумкин бўлган барча низолар ёки келишмовчиликлар томонлар ўртасидаги музокаралар орқали ҳал қилинади.

9.2. Агар келишмовчиликларни музокаралар йўли билан ҳал қилишнинг иложи бўлмаса, улар қонун ҳужжатларида белгиланган тартибда кўриб чиқиши керак.

«13» июль 2022 йилдаги

№ 2/2022 -сонли

пудрат шартномасига

1-илова

Бажариладиган ишларнинг календар режаси

№	Ишларнинг номланиши	Муддати		Жорий нарлардаги қиймати (сўм) (ҚҚС билан)	Изох
		Бошланиши	Тугалланиши		
1	2	3			
1	“Ўзмиллийбанк” АЖ Ғузор филиали худудидан “Банк хизматлари маркази” куриш	Аванс тўлови ўтказилган кундан	90 календар куни	1 067 498 348	

Ўзмиллий банк АЖ Қашқадарё
вилояти филиали бошқарувчиси



Д.Н.Саидов

“KRONO STRONG” МЧЖ
Директори



Д.Б.Каримов